



**სსიპ ბათუმის შოთა რუსთაველის
სახელმწიფო უნივერსიტეტი**

14 ნოემბერი, 2025 წელი
ბრძანება № 01-04/194

**ბსუ-ის უწყვეტი სამედიცინო განათლების მოკლევადიანი ტრენინგ-პროგრამის
„სტომატოლოგიური პათოლოგიების რადიოლოგიური დიაგნოსტიკის ძირითადი
ასპექტები“ პერსონალის მოწვევის შესახებ**

„უმაღლესი განათლების შესახებ“ საქართველოს კანონის 22-ე მუხლის, საჯარო სამართლის იურიდიული პირის - ბათუმის შოთა რუსთაველის სახელმწიფო უნივერსიტეტის წესდების მე-13 მუხლის, „ბსუ-ს პროფესიული პროგრამების მართვისა და უწყვეტი განათლების ცენტრის დებულების დამტკიცების თაობაზე“ ბსუ-ს წარმომადგენლობითი საბჭოს 2024 წლის 24 ოქტომბრის №07-01/59 გადაწყვეტილების, „ბსუ-ს პროფესიული პროგრამების მართვისა და უწყვეტი განათლების ცენტრის უწყვეტი განათლების მიმართულების საკოორდინაციო საბჭოს შემადგენლობის დამტკიცების შესახებ“ ბსუ-ს რექტორის 2024 წლის 18 ნოემბრის №01-02/193 ბრძანების, საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის 2018 წლის 19 ივლისის №01-3/ნ ბრძანებით დამტკიცებული „უწყვეტი სამედიცინო განათლების ცალკეული ფორმები და მათი აკრედიტაციის წესი და კრიტერიუმების (N1 დანართი), საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს პროფესიული განვითარების საბჭოსადმი ბსუ-ს წერილის (№912340, 24/07/2025წ), ბსუ-ს უსგ ტრენინგ-პროგრამის „სტომატოლოგიური პათოლოგიების რადიოლოგიური დიაგნოსტიკის ძირითადი ასპექტები“ აკრედიტაციის თაობაზე პროფესიული განვითარების საბჭოს 2025 წლის 27 აგვისტოს №13 სხდომის გადაწყვეტილების (აკრ. №1141), პროფესიული განვითარების საბჭოს 2025 წლის 02 სექტემბრის წერილის REG 92500976268 (ბსუ-ში შემოსვლის N1061235, 03/09/2025 წ.), ბსუ-ს პროფესიული პროგრამების მართვისა და უწყვეტი განათლების ცენტრის“ ჯანდაცვის (რადიოლოგიის) მიმართულების კოორდინატორის, დავით ცეცხლაძის 2025 წლის 14 ნოემბრის №1609192 სამსახურებრივი ბარათის საფუძველზე


ვ ბ რ ძ ა ნ ე ბ:

- 1. მოწვეული იქნეს** საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის სამინისტროს პროფესიული განვითარების საბჭოს მიერ 2025 წლის 27 აგვისტოს №13 სხდომის გადაწყვეტილებით (აკრ. №1141) **აკრედიტებული უწყვეტი სამედიცინო განათლების (შემდეგში - უსგ) ტრენინგ-პროგრამის „სტომატოლოგიური პათოლოგიების რადიოლოგიური დიაგნოსტიკის ძირითადი ასპექტები“** (დასწრებული ფორმა; მოდულები **N1 დანართის** შესაბამისად; ტრენინგის ხანგრძლივობა - **2 დღე**, დღეში 6-6 სატრენინგო საათი) **განმახორციელებელი პერსონალი:**

- ა) პროგრამის ავტორი/ხელმძღვანელი და ტრენერი** - დავით ცეცხლაძე (ბსუ-ის საბუნებისმეტყველო მეცნიერებათა და ჯანდაცვის ფაკულტეტის სტომატოლოგიის დარგობრივი დეპარტამენტის პროფესორი, ექიმი-რადიოლოგი);
- ბ) ტრენერი** - ფრიდონ ჯაფარიძე (ბსუ-ის საბუნებისმეტყველო მეცნიერებათა და ჯანდაცვის ფაკულტეტის სტომატოლოგიის დარგობრივი დეპარტამენტის ასოცირებული პროფესორი, ექიმი-სტომატოლოგი);

- გ) ტრენერი - იათამზე თანდილავა (ბსუ-ის საბუნებისმეტყველო მეცნიერებათა და ჯანდაცვის ფაკულტეტის სტომატოლოგიის დარგობრივი დეპარტამენტის ასისტენტ-პროფესორი, ექიმი-რადიოლოგი);
- დ) ტრენერი - გიორგი ბალაძე (ბსუ-ის საბუნებისმეტყველო მეცნიერებათა და ჯანდაცვის ფაკულტეტზე მოწვეული მასწავლებელი, ექიმი-სტომატოლოგი).
2. უსგ-ის ტრენინგ-პროგრამის ავტორთან/ხელმძღვანელთან და ტრენერებთან გაფორმდეს შრომითი ხელშეკრულებები, პროგრამაზე სწავლის საფასურის, პროგრამის პერსონალის შრომის ანაზღაურების და პირველადი ხარჯთაღრიცხვის ადმინისტრაციის ხელმძღვანელის ბრძანებით განსაზღვრის შემდეგ.
3. უსგ-ის ტრენინგ-პროგრამაზე მიღება გამოცხადდეს ბსუ-ის ვებგვერდზე (მსმენელთა რაოდენობა ჯგუფში - 15-20 მსმენელი), პროგრამაზე სწავლის საფასურის, პროგრამის პერსონალის შრომის ანაზღაურების და პირველადი ხარჯთაღრიცხვის ადმინისტრაციის ხელმძღვანელის ბრძანებით განსაზღვრის შემდეგ, პროგრამის ავტორის/ხელმძღვანელის ორგანიზებით (პროფესიული პროგრამების მართვისა და უწყვეტი განათლების ცენტრის დირექტორთან კოორდინაციით).
4. უსგ-ის ტრენინგ-პროგრამა „სტომატოლოგიური პათოლოგიების რადიოლოგიური დიაგნოსტიკის ძირითადი ასპექტები“ (დასწრებული ფორმა, სულ 2 დღე, დღეში 6-6 სატრენინგო საათი) განხორციელდეს პროგრამაზე არანაკლებ 15 და არაუმეტეს 20 მსმენელის ბსუ-ის რექტორის ბრძანებით ჩარიცხვის შემდეგ.
5. ბსუ-ის პროფესიული განვითარებისა და უწყვეტი განათლების ცენტრმა (უსგ-ის პროგრამის ავტორმა/ხელმძღვანელმა) უზრუნველყოს:
- ა) ტრენინგის მონაწილეთა ბაზის წარმოება (მონაწილის სახელი, გვარი, პირადი ნომერი, ტრენინგ-მოდულის გავლის შედეგის მითითებით);
 - ბ) ტრენინგის გავლის დამადასტურებელი გაცემული სერტიფიკატების აღრიცხვა;
 - გ) ყოველი თვის ბოლო კვირას მიაწოდოს ინფორმაცია შემდეგ თვეში დაგეგმილი პროგრამ(ებ)ის თაობაზე, პროგრამის ჩატარების თარიღისა და ადგილის მითითებით (გამონაკლის შემთხვევაში აღნიშნული ინფორმაცია საბჭოს სამდივნოს შესაძლებელია, წარედგინოს კონკრეტული პროგრამის ჩატარებამდე არაუგვიანეს 3 სამუშაო დღემდე;
 - დ) პროფესიული განვითარების საბჭოს სამდივნოს მიაწოდოს ინფორმაცია (მ.შ. ელექტრონულად) აქტივობებში მონაწილე პირებისა (სახელი, გვარი, პირადი ნომერი, საექიმო სპეციალობის დასახელება) და პედაგოგების (ტრენერების) (სახელი, გვარი, საათობრივი დატვირთვა) შესახებ პროგრამის ჩატარებამდე არაუგვიანეს 3 სამუშაო დღემდე, ასევე, პროგრამის დასრულებიდან 10 სამუშაო დღის ვადაში.
6. ბრძანება გამოქვეყნდეს ბსუ-ის ვებგვერდზე.
7. ბრძანება დაეგზავნოს რექტორის მოადგილეებს, ადმინისტრაციის ხელმძღვანელს, ბსუ-ის პროფესიული პროგრამების მართვისა და უწყვეტი განათლების ცენტრს, ამავე ცენტრის უწყვეტი განათლების მიმართულებით ჯანდაცვის (რადიოლოგიის) მიმართულების კოორდინატორს, პროფესორ დავით ცეცხლაძეს (უზრუნველყოს ამ ბრძანებაში აღნიშნული ტრენერებისათვის დაგზავნა/ინფორმირება), საფინანსო-ეკონომიკურ დეპარტამენტს, საქმისწარმოების სამსახურს (კანცელარია), იურიდიულ დეპარტამენტს, საინფორმაციო ტექნოლოგიების სამსახურს.
8. ბრძანება ძალაშია ხელმოწერისთანავე.
9. ბრძანება კანონმდებლობით დადგენილ ვადაში და წესით შეიძლება გასაჩივრდეს ბათუმის საქალაქო სასამართლოში (ქ. ბათუმი, სტეფანე ზუბალაშვილის №30).

ბსუ-ის რექტორი



ტიტე აროშიძე

„ბსუ-ის უწყვეტი სამედიცინო განათლების მოკლევადიანი ტრენინგ-პროგრამის
„სტომატოლოგიური პათოლოგიების რადიოლოგიური დიაგნოსტიკის ძირითადი
ასპექტები“ პერსონალის მოწვევის შესახებ“

ბსუ-ის რექტორის 2025 წლის 14 ნოემბრის № 01-04/194 ბრძანების
№1 დანართი

ბსუ-ის პროფესიული პროგრამების მართვისა და უწყვეტი განათლების ცენტრის
უწყვეტი სამედიცინო განათლების მოკლევადიანი პროგრამის
„სტომატოლოგიური პათოლოგიების რადიოლოგიური დიაგნოსტიკის
ძირითადი ასპექტები“
განმახორციელებელი პერსონალი
(პროგრამის ავტორი/ხელმძღვანელი, ტრენერები)

სამუშაო დატვირთვა/ფუნქციები	პერსონალის სახელი, გვარი	შესასრულებელი სამუშაო/სატრენინგო საათები
პროგრამის ხელმძღვანელი		
პროგრამის ფუნქციები	ხელმძღვანელის დავით ცეცხლაძე	პროგრამის ხელმძღვანელობა (სასწავლო პროცესის დაგეგმვა- ორგანიზება, მათ შორის „პრე და პოსტ“ ტესტირების ჩატარება და სხვა აქტივობების შესრულება, რასაც ითვალისწინებს საქართველოს ოკუპირებული ტერიტორიებიდან დევნილთა, შრომის, ჯანმრთელობისა და სოციალური დაცვის მინისტრის ბრძანებით დამტკიცებული „უწყვეტი სამედიცინო განათლების ცალკეული ფორმები და მათი აკრედიტაციის წესი და კრიტერიუმები“ და ბსუ-ის რექტორის ბრძანება).
პროგრამის ტრენერები (შენიშვნა: კონკრეტული ტრენინგ-პროგრამის განხორციელებისათვის პროგრამის ხელმძღვანელის მიერ განისაზღვრება შესაბამისი ტრენინგის თემის განმახორციელებელი ტრენერი (ერთი ან ორივე), შესაბამისად, ტრენერის შრომის ანაზღაურება გაიცემა, პროგრამის ხელმძღვანელის სამსახურებრივი ბარათის შესაბამისად მომზადებული ბსუ-ის ადმინისტრაციის ხელმძღვანელის ბრძანების საფუძველზე)		
ტრენინგის თემა: პროგრამის შესავალი. რადიოლოგიის ზოგადი საკითხები. სტომატოლოგიური რადიოლოგიის მეთოდები (I-IV ნაწილი).	1. დავით ცეცხლაძე; 2. იათამზე თანდილაძე	სატრენინგო - 3 საათი
ტრენინგის თემა: სტომატოლოგიური რადიოლოგიის მეთოდები (V ნაწილი). კბილებისა და ყბების ნორმალური რადიოლოგიური ანატომია და მისი „ხაფანგები“.	1. დავით ცეცხლაძე; 2. იათამზე თანდილაძე	სატრენინგო - 3 საათი

ტრენინგის თემა: რადიოლოგიური გამოსახულების შეფასების ზოგადი პრინციპები.	1. დავით ცეცხლაძე; 2. იათამზე თანდილავა	სატრენინგო - 1 საათი
ტრენინგის თემა: სტომატოლოგიური რადიოლოგიის კლინიკური ასპექტები. ორთოპანტომოგრაფიისა და კონუსურ-სხივური კომპიუტერული ტომოგრაფიის სტომატოლოგიურ პრაქტიკაში გამოყენების მეთოდოლოგია; კლინიკური შემთხვევების განხილვა (I ნაწილი).	1. ფრიდონ ჯაფარიძე; 2. გიორგი ბალაძე	სატრენინგო - 3 საათი
ტრენინგის თემა: ორთოპანტომოგრაფიისა და კონუსურ-სხივური კომპიუტერული ტომოგრაფიის სტომატოლოგიურ პრაქტიკაში გამოყენების მეთოდოლოგია; კლინიკური შემთხვევების განხილვა (II ნაწილი).	<u>1.</u> გიორგი ბალაძე <u>2.</u> ფრიდონ ჯაფარიძე	სატრენინგო - 2 საათი